

剩

語

剩語

四庫全書珍本初集
集別集部
類

欽定四庫全書

集部五

提要

剝語二卷

別集類四

元

臣等謹案是集見永樂大典中或題曰艾性夫

剝語或題曰艾性夫孤山晚稿而不著性夫為
名為字亦不載時代考江西通志稱撫州三艾
叔可字無可憲可字元德性字天謂皆工于詩
性闔門教授執經者盈門著有孤山詩集與永

樂大典所題孤山晚稿相合吳澄支言集有高一
夔妻艾氏墓誌稱為咸淳貢士性夫之女習見
其家儒效屢以勗其夫云云與永樂大典所題
艾性夫合疑江西通志作性夫字天謂傳刻失一
夫字也考集中有謝枋得輓詩一首則性夫元
初尚存又曹安謫言長語稱于成化五年之元江
署學一家多藏書內一詩集乃江浙道提舉艾性
夫作貫酸齋作序云云宋無江浙道提舉蓋

其晚年已仕元矣性雖亦講學之家而其詩
氣韻清拔以妍雅為宗絕不似宋末有韻之
語錄五七言古體筆力排盪尤為擅長曹安
稱其七言律太辣五七言絕歌行語多闕世
教併稱其銅雀研撲滿吟臨邛道士招魂歌
三首所論頗為得實謹採掇排次釐為二卷
用存其概至原書本分集編次其卷目已不
可見而永樂大典內題作剽語者較多今故

用以標名不復更為分析焉乾隆四十六年

九月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

刺語卷上

宋 艾性 撰

古體詩

感物

中園植佳橘，挿棘爲儲胥。橘根陽未萌，棘枝已扶疎。終年高且深，勢盛凌孤豈。以雨露偏良，由習性殊非。類不可依橘，其防厭初。

老牧鞭羣牴，長鳴度荒圃。眈眈黃於菟，怒攫連四五。弱

肉強之食茲事由來古天地果好生生羊勿生虎

溪翁擷佳草日恐饑其魚霜枯野水落獮獮搜無餘翁
歸束藁人寘彼溪之隅責以警長夜翁計何其愚

有山莫栽桃有地宜種竹此竹豈不佳清陰蔽茆屋朝
有孤鳳翔暮有白鶴宿桃花艷春風蜂蝶趁麤俗花謝
不復來相媚一餉足

古意

六首

折柳繫離船船行柳條短賴有枝上花飄泊隨君遠

采蓮莫采花
采花損空房
留房結青子
種作明年香
匆匆采桑女
花雨濕檐袖
春風十二絃
生世未觸手
浣衣輕浣布
布縷不如絲
絲堅猶易穿
布弱從可知
佳人買明鏡
意重輕千金
結以雙羅帶
欲照蕩子心
蕩子渺不歸
鏡影春雲深

賤妾燕子身
銜泥巢君堂
遊子黃鸝志
辭家猶南翔
采花爲誰容
襲蘭爲誰香
安得小心風
寄子雙明璫

雜言

蒼梧閼弓劒阿閣無祥禽魯叟已長喟矧敢求之今區
區蓮勺人伯氣方浸淫紀年侈嘉瑞作物誠何心隱顯
殆偶然豈必聞韶音黃河千丈渾歲月亦已深矯首不
可俟角里芝山陰

勛華不並世揖遜無餘傳緬彼巢與津佳兵豈其天履
霜一何微坤水一何堅誰謂知幾人尚俟觀伊川斧袞
了不公正閏雜紀年豈擬王仲淹而愧魯仲連

燕趙多佳人珠華銜天街鄭魯有游女折楊弄青梅春

風趁姿媚諧笑爭徘徊幽閨有貧醜脩潔不自媒縫布
以爲裙斷荆以爲釵簪沙事機杼蓬沓蒙烟埃誰將好
德心爲爾停漸臺

枯桐斲山骨絃以冰蠶絲信指發孤調悠然造希夷揚
以寄吾歡抑以寫吾悲悲歡生我心無庸他人知我若
有黃金不鑄鍾子期寄語伯牙翁絕絃良可嗤

牧童

櫛髮吹松陰坦腹睨岩石細雨整短蓑斜陽撼長笛採

金定古集卷上
花艷兩髻挾草暖雙腋款款跨牛歸蒼山暮烟碧

題東坡蔗滓窠石

空洞如虛拳擁腫類奇癭槎牙老樹身相依以爲命智
士能用屈榴皮勝毛穎先生倒嚼餘此正入佳境

憫盆松

物生天地間細大各有容偉哉霄漢姿厄此盆盎中嗟
吁爾橐駝局促吾蒼龍馳兮顧我笑可憫豈獨松

猫犬歎

飯猫奉魚肉憐惜同寢處飼犬雜糠粃呵斥出庭戶犬
行常低循猫坐輒箕踞愛憎了不同拘肆固其所虛堂
夜搜攪忽報犬得鼠問猫爾何之翻甕竊醢脯犬雖出
位終愛主猫兮素餐烏用汝

荅釋子問詩灋

汝家有子蘭詩體能入選爾后島可輩徃徃以律變選
律固無擇語意思庸淺大音尚和平至味貴悠遠歸歟
事斯語妙理千萬變歐稱九僧今不見退之擬過紅樓

院

諸公賦東園兄銅雀硯甚夸余獨不然然蘇長
公詩銘梅都官長句皆爾如謂舉世爭稱鄴
瓦堅一枚不換百金頌不及鴛鴦飛乃有科
斗情入用固爲貴論古難與并之類是已敢
併爲之反騷

臨洮健兒衷甲衣曹家養兒乘禍機匹夫妄作九錫夢
鬼蜮敢學神龍飛負鼎而趨不遑死築臺尚欲儲歌舞

但知銅雀望西陵不覺妖狐叫墟墓分香賣履吁可憐
所志止在兒女前竟令山陽奉稚子出爾反爾寧無天
陳留作賓向司馬包羞更出山陽下國亡臺廢天厭之
何事人猶拾殘瓦古來觀物當觀人虞琴周鼎絕世珍
區區陶甕出漢賊矧可使與斯文親歛溪龍尾誇子石
端州鴈眼真蒼璧好奇不惜買千金首惡寧容汙寸墨
書生落筆驅風雷要學魯史誅姦回請君唾去勿復用
銅雀猶在吾當摧

天下第二鐘歌鐘在弋陽真如寺破廡下其誌
天聖二年也劉石扁曰天下第二鐘旁書江
南徐鉉書筆力皆遒勁可愛不知第一竟在
何許而此又濱於埋沒可慨已因歌以遺寺
僧使屋庇之

瀕江破寺如膠舟大鏞露立寒颼颼金繩鐵紐作斷綆
土花苔碧生藥頭我來摩挲攷歲月僂指落落三百秋
想當營度欲鼓火野鬼夜哭山精愁鑄之以紹威六州

之鐵釁之以景升千斤之牛載之以長河萬斛之艦貯
之以齊雲百尺之樓風高一撞撼天地世更幾變宜追
蠡眼中驚見已無雙天下才稱爲第二庚庚古扁磨蒼
珉徐郎妙墨吹玄雲聲光啞啞盡埋沒宇宙顛倒方紛
紜昭陵石馬化爲土于上蒲牢幸存古山僧作屋穩蓋
藏他日岐陽求石鼓

題危見心所藏陳常庵水月障及松鶴蘆鴈各

一首